

## Galeziya Galeziya mwaalyaraavina Pikariyikwia' Poli yavikaryakesi.

<sup>1</sup> Nyidasaabadeinyi Polinyi yikwia da' yavikarivanige. A'mwera nyidasaabadivitainyi mi'. A'mwe pwarĩ Gotiyai kuda' "Polimi widaasaderi dumwaihya!" kuda' sai nyidahilakakainyi mi'. Aawa. Jizaazai Kiraazitiyalyi Gotiyai Nenimaangelyi "Apozeliyaiginyi githaasakadeiginyi," nyidahila nyidahilakagilyainyi. Gotiya sai Kiraazitiyai balakeri yidikaavakelyi. <sup>2</sup> Nimiji neya'mwera Kiraazitiyari w'nya'nera dava mwaaihasaraji Kiraazitiyare kusilaanyangiyaihiriyithivanigo "Neya'mweih!" Kwaaka Galeziya piwi piwi mwaaihasaihiriyithivanigo. <sup>3</sup> Nabaai, Gotiyai Nenimaangelyi Naanga Jizaazai Kiraazitiyalyi yanga gaimwangebwinayihyika! Sanidaare kwaamu'nanyaburi kuna tewaanya yihimwaihhyika! <sup>4</sup> Kiraazitiyai sahwai nemire kayaa'nanyanne'na wijaavinaka bala'. Dahaasa kayaa'nanyaraavire kayaa'nanyabwina "Padaihasamaarima!" daka bala'. Nemire Gotiyai Nenimaangere simunyavina bala'. <sup>5</sup> Gotiyai tewaanyabwi sara kya' gamire yaya' munyaba makilaana! "Yuyagaa' yuyagaa' byaannakeigi!" widaana! Naanga sahirisira!

*Yagaala tewaanya' gave pirî'na warîke'nesî.*

<sup>6</sup> Akai. Sarîmînyîna atîka maru'na'manîge. Gotiyai kyîhîthahîlaka! Kîraazîtiyai yange'na yîhîgaimwaga!. Sara kyîhîhaimwaga! maalîkegaa! “Sahwarî yagalya'mavaadeina dîngaka?” yawî'divî! yagaala tewaanya ge' mîdînya'na yawî'manîgasaihi daa! <sup>7</sup> Sare' yagaala tewaanya ge' mwari!. Aawa. A'mwe pwara sarîmîre simunya kwalaalya yîhîzaavanîgava. Kîraazîtiyarîne yagaala tewaanya'na “Nayaa yavada'galaana!” yawîreva kîrî! maragînyîwamanîgava. <sup>8</sup> Sinnawî yagaala tewaanya' yîhîtho gavesîra. Nemî saina “Yagaala tewaanya aya' waramaryana!” daaza' yagaala tewaanya mudîke! yîhîthaaza! Dîkevî nemarasi'nana! Sigunyavîdaasa ejeliyai mamaayai yagaala tewaanya mudîke! yîhîthaza! Dîkevî wîmarasi'nana! <sup>9</sup> Kîgaa' mi'na yîhîtho kîrî! dahaa' ayahi nayaa yîhîthîma! Sinnawî yagaala tewaanya' yîhîtho' mi'na yawî'mwaa!. Nabaai dahaa' a'mwe pwai “Yagaala aya' waramaryana!” daza' yagaala ge' yîhîthîvanîkerî Dîkevî wîmarasi'nana!

<sup>10</sup> Sare' yagaala yîhîthîwe'na dîna “A'mwera ‘Poli tewaanyalyî,’ yawîpîka!” dadî dîvanîgeinyî daaka! Arikawî. Gotiyai nîmînyîna “ ‘Nebulya' dadelyî,’ yawîrana!” dadî dîvanîgeinyî. “A'mwera nîmînyîna yîlaaya yîpîka!” yawî'mujî kwajî Kîraazîtiyare yaasi'wa'wawînyainyî kamwaaimudîka.

*Poli Apozeliyari Kîraazîtiyai wîdaasakei yîma'nake'nesî.*

<sup>11</sup> Nya'mweihi, sare' nayaa yîhithîma! Yagaala tewaanya' wîdadînya' a'mweraavîre yagaala' mîka. <sup>12</sup> Sare' dare'nesî. A'mwe pwari' mamaarye. A'mwe pwai manyijî'waakya'. Arikawî. Jizaazai Kîraazîtiyai sahwai nyîbwarîdaakwakelyî.

<sup>13</sup> Sare' dare'nesî. Kîgaa' yeinyîrebwi mi'na wî'ne'. Juyaraavî Ne sinnawînyaraavîrebwi diragîna midîdî Gotiyare kusîlaanyaraavî naanna kayaa'na yadî "Sahwaraavîrebwi yuna kayaaka yîgalîma!" dadî diragîna sara ye.

<sup>14</sup> Juyainaavîrebwi diragîna yadî nîmîre Yîsavaakîyara nyînyakwalaangeraavî wavîla'na ye. Ne sinnawînyaraavîre kîwînya sahwara maalî'na midîdaapîjî sahwayî naanna midîneinyî. <sup>15</sup> Kîrî' Gotiyai gevwi yawîraka nyînaangevîre munyîki kuna mwaalegaa' "Polîmî yange'na wîgaimwagîdeinyî," yawîraka nabaai, "Nyîdaayadei yîma'nana!" daka nyîjîvwaramaarya'nei mena nyîdahîlakyya'.

<sup>16</sup> Sara nyîdahîlakaka gamîregaa' a'mweinyî Gawaalîvaangerîna nyîbwarîdaakwa'. "Nîmînyîna navîka yawî'dîvîsaraavî ajîmya yuyangîyaraavî yagaala tewaanya' Kîraazîtiyarîne' wîdana!" daka nyîbwarîdaakwa'. Mi'na kanyîbwarîdaakwa' sagaa' Naangere yagaalya'na yîwaarasa'na a'mwe pwaraayawîna mwîye. <sup>17</sup> Sagaa' pwara Wîdaasadera mi'na yîma'nyaasarera. Dîvidaasî Nyîdaasakeinyî yîma'neinyî.

Sagaa' Jeruzaalemîna Wîdaasade sahwaraavî yîwaarasa'na myîlaawie. Aawa. Kwaaka Arevîya a'mwamaayabanna wawena dîvi

Anga Damaazikazina ayina yagalaawena bahe. <sup>18</sup> Naangeri kanyibwaridaakwa' kwarameme dawaai da' kanyavilava' sagaa' Jeruzaalemina Pitari wija'neinyi angyiri'maasa'neinyi yilaawena wikiya gave dawaai gaminyawi mwaale. <sup>19</sup> Sareinyi Widaasade kwalaalyara tinna mwanganyena Jemizai Naangere gahwaalaangeriji Pitariji saraari tinna wangane.

<sup>20</sup> Sareinyi yagaala da' yihithivanige' nebulyasi. Gotiyai kadika yuya nyu'nadaa'nyi "Kwaasi yagaala myihizivanigeinyi. (Daaina!)" yavikaryiweinyi.

<sup>21</sup> Kwaaka Juthiya Jeruzaalemidaasi Kwaaka Siriya Kwaaka Siliziya anga mannikebanna wawe. <sup>22</sup> Sagaa' Kwaaka Juthiya mwaalyara Kirazitiyari limwadiwisara kusilaanyangiyara nimire sinnyiki manyanganye'. <sup>23</sup> Sarera pwaraavire yagaala dara wi'nesa' "O, a'mwei kayaa'na neyakei 'Kirazitiyari limwabineihiyi,' widiwanikei daaka! Sai 'Sabwi kayaaka yigalima!' dakei yagaala tewaanya' duthivanika!" <sup>24</sup> Sara wi'nesa'na niminyina Gotiyari "Byaannakeiginyira," widi'na ye'.

## 2

### *Poliji Widaasade pwaraji saraavinesi.*

<sup>1</sup> Kwarameme pijaakuna (14) kanyavilava' nimiji Baanavaazalyi sainai Taaitazari maarola Jeruzaalemina ayina yilaawo. <sup>2</sup> Gotiyai sara kanyibwaridaakwa' yilaawe. Yawina "Nimire wawinya yagesi wawinya kuna yivanigesi yaasiwa'na nyima'nadika! Kirazitiyare

kusilaanyaraavî maremwaaidivî tara daakajî gaveraayaba kave widîma! Sahwara ‘Polî widade’ kayaa’nanyasi,’ dipijî kwajî ajîmya yuyangiyara Kiraazitîyarî mu’nyî yîpî’derera,” sara yawî’na yena a’ mwe naanga gaveraavî wide “Maaveraayawî sana sana wîdadînyainî.”

<sup>3</sup> Sareinyijîyai Taaitazai Girikîyai mwaalaka kirî’ Juyara Kiraazitîyare naangera diragîna mujîna “Nemîre Kîwînya’ sara dinîke’na gamîre kîlaakejî’ davaana!” mujî nehye’.

<sup>4</sup> Mujî nehyeta kirî’ pwara kwaasi neya’ mwe nemi nyawîna kîma’nyîkaanya kave bahe’ dame maa’dîvisarabîsara. Kiraazitîyai Jizaazai Juyaraavîreburîdaa’nyî kanevadaihasamaara’ tewaanya mwaiho. Damerabîsara yawî’na “Kumîrebwî tîna wanganawaajî Juyainaavîrebwî ayîna pwîyaana!” yawî’na yeva kave bahe’. <sup>5</sup> Kave bahesaraavîre yagaala kadîka diragîna mu’nyo. Nemî yawî’na “Juyaraavîre kîwînya Maaveraavî nurîhîradîka! Naangere yagaala nebulya warana sahwaraavîna!” yawî’na yona diragîna mamîdînyo.

<sup>6</sup> Yî, “A’ mwe naangera Kiraazitîyarî wî’nadaanyainaavî maremwaaidîvisara,” dadîvisara nîmîre yagaala tewaanya’ aane pîrî’ kîrîsî mye’mwagye’. Nabaai sahwaraavîna nîmî lîka myage. Gotîyai a’ mwe yuyaraavîre sinnyavîna avaaina yade’na nîmî yuyaraavîna avaaina yawî’dînya’na lîka myage. <sup>7</sup> Sahwara yagaala mudîka manyîje’. Aawa. Kirî’ dara wangesasi. Gotîyai Pitari “Juyaraavî kîlaaka daya’neraavî yagaala tewaanya’ duthatheigînyî,” wîdaasakabaabî’ Polî

Maaveraavī kīlaaka madaya'neravī wija'nerī dahīlakakelyīra. <sup>8</sup> Sare' dare'nesī. Gotiyai Pitarī gannya dīragīnya' kujaava' Wīdaasadei Apozeliyare wawīnya yada kīlaaka dayaraavī wījīwaakadevaabī' sahwai gannya dīragīnya' kanyījaava' Apozeliyainyīre wawīnya yadī ajīmya yuyangīyaraavī wījīwaakadīnyainyī. <sup>9</sup> Jeruzaalemī mwaalyara Kīraazītīyarera yawī'na “Jemīzai, Sipaazai (Pitai), Jonī nemīre a'mwe naangere. Sīmyarera.” Yawī'na kye' sahwara mwaaidīvī' dara yawīresasī. Ya, Gotiyai Polīmī Apozeliyare wawīnya' dahīlakya'na yange'na wīgaimwagakela! Sara deva “Nemī avaaīwawīnya yadaanyainera,” deva Baanavaazalyī sainaarī ata bwa'nyīna nehye'. Nabaai dīnyīna “Yo, Polījī Baanavaazalyī saraai ajīmya yuyangīyaraayawīnna kuna wika! Nemī kīlaaka dayaraayawī wawīnya yaana!” Dīnyīna kyo naarīmī “Tewaanyasī,” wīdīna yoi. <sup>10</sup> Yagaala pīrī' nehīthe' “Nemījīyara nīgwi'maayaraavīna wīgaimwange'na jawīrila!” Nīmī sara yadīnyainyī wīde “Sare'na yīlaaya yīwana.”

*Anga Aadiyokī Polī Pitarī maanga wīdake'nesī.*

<sup>11</sup> Pīgaa' Anga Aadiyokīna Sipaazai (Pitai) bīna yaka kayaa'nanya' yake'na a'mweraayaba sahwari maanga wīde. <sup>12</sup> Sare' dare'nesī. Sīnnawī Jemīzaryabadaasī pwara mabyesagaa' sai Kīraazītīyarera ajīmya yuyangīyaraayaba wapaaya nyīna. Wapaaya nyīna yaka kīrī' sahwara bīna kye' sai Maaveraayaba wapaaya

manyina. Sai yawina “Sahwara diragina dadivisare ‘Maavera kunnya kilaakejikaavi mada'nyadivisaraayaba tika manaanera!’” yawina yaka lika yina yaka wapaaya manyina. <sup>13</sup> Wapaaya manyi kya! Juyara Kiraazitiyarera pwara yawita kayaa'nanya yeva avaaaina manyina. Avaaaina manyi kye!, nabaai, Baanavaazai tinna wanganna yaka diragina mi yaka manyi yakelyi. <sup>14</sup> Manyi kye! tinna dara wangane! “O, sahwara yagaala tewaanyavi nebulya! myadivi! nayaa yida'na myivanigasara daaka!” Sara dena a'mweraayaba Pitarī wide “Juyaiginyira. Juyaigi kirī! Maaveraavirebwina tewaanna mwaimwaana. Juyaraavirebwina mamwalyiwaana. Sareigi dahaa! ayina Juyaraavirebwi yiwaanya'na ‘Ajīmya yuyangiyaihi, Juyaraavirebwina dimwaalyila! sara divanigi. Sara be'na yivanigi!” wide.

*Jizaazai Kiraazitiyarī wī'nya'nera  
Juyarajī Maaverajī saraavi Gotiyai avaaaina  
padaihasmaa'de'nesi.*

<sup>15</sup> Nenimaangera Juyara mwaaidapiji mudangegaa! Juyaina yima'no. Juyara dina “Ne Mozizare Kiwinya myadivisara kayaa'nanyarera.” Sare! Juyaina mwidaa ajīmya yuyangiyaina kayaa'nanyaina mamwaalyigoina <sup>16</sup> kirī! dara yawi'mwosi. O, pwai Gotiyare Kiwinyabwi yada Gotiyai mujina “Yida'maraangeiginyi,” mujina. Aawa. Pwai Jizaazai Kiraazitiyarī limwaga'da Gotiyai widina “Yida'maraangeiginyi,” widivanikelyira. Sare! nemī saina

Kiraazitiyai Jizaazari limwamwo. “Kiwiṅya dīnīkebwi midīdaa Gotiyai ‘Yīda'maraangeigī,’ manejadelyī. Kiraazitiyari limwadaa Gotiyai ‘Yīda'maraangeigī,’ nedana!” dona sara limwamwo. Kīlaa'naka aane pwai kwai Gotiyare Kiwiṅya midīda Gotiyai “Yīda'maraangeigī,” mujīnīke'na Kiraazitiyari limwamwo. <sup>17</sup> Nemi Kiraazitiyari wīlamwaidaanya'na tewaanyaina nemwaaihiṅvanīkeinera. Sara yadaasi Juyara nenganeva nedīvanīga' “Juyaihi kiwiṅya' navīka yadīvi' kayaa'nanyaihi Maaverabīsaihi yiṅma'nīwaa'. Sare' sarīmīre Kiraazitiyai kayaa'nanyabwi wakadelyī.” Sara nedīvanīgasa' Gotiyai yawī'na “Arikewīnyīra. (Kiraazitiyai nīmīrebwi yadelyī.)” <sup>18</sup> Sare' dare'nesī. Kiwiṅya'na Gotiyai “Yīda'maraangeigīnyī,” mujī neyake'na Kiwiṅnyabwi wa'dī'nyī Kiraazitiyari limwadaa Gotiyai “Yīda'maraangesī,” nedadelyī. Nīmī ayīna Kiwiṅnyabwi yiwiṅji kwaiṅji kayaa'nanyabwi yadīnyainyī kyīma'nīwidīka! <sup>19</sup> Sare' dare'nesī. Kiwiṅya'na baimweinyī. “Yīda'maraangeinyī yiṅma'nīma!” dena Kiwiṅnyabwi yaamīṅji yaamīṅji yena aawano. Tewaanyainyī myīma'nyīwe'na “Kiwiṅnyabwi aalo,” dena sabwina baimweinyī. “Gotiyarīna gaala mwaalīma!” dena sabwina baimweinyī. <sup>20</sup> Kiraazitiyari wīlamwaaīheinyīna Kiraazitiyai yiṅsavi balakeгаа' nīmī bainīkeinyī. Sare' nīmī sainyī mamwaalyīge. Kiraazitiyai sahwai wīlanyīmwaalīkeinyī. Dahaa' kīlaa'nakeinyī mwaaiheinyī. Gotiyare Gawaalīkī limwadī mwaaiheinyī. Sai nīmīnyīna tewaanya wīvu'nakelyī. Gami sai nīmīnyīneba

marimwanginaka yarai balakelyi. <sup>21</sup> Gotiyai a'mweraavina yange'na wigaimwangebwi wanganakina myiwīnera! (Kiraazitiyarina yawi'dinyainyi.) Sare' dare'nesi. A'mwe pwai Kiwinyabwina nayaa yada Gotiyai “Yida'maraangelyi,” widazi kwaji Kiraazitiyai yaasiwa'na kabaladika! (Kiwinyabwina Gotiyai “Yida'maraangeiginyi,” muji yanne'na Kiraazitiyai neminyina bala!.)

### 3

*Gotiyai “Yida'maraangeihilyira,” nedathevwinesī.*

<sup>1</sup> Galeziya mwaalyaihi sīdu'maayaihi! Sarimire simunya ginyiwange' gara yima'nīwaka! Sareihiri Jizaazai Kiraazitiyai yisavi baimwake' nīmī kave yihithe' sarimī dara desa! “O, sahwai baimanikeri tīnna dangamanigo!” <sup>2</sup> Gave piri' yihu'nīma! Kiwinya dinike' sara yesa'na Gotiyare Kuryari maaresaihi daa! Aawa, yagaala tewaanya' kadika wi'neva Kiraazitiyari limwaga'divi' gannya Kuryari yihizaava'. <sup>3</sup> Sare' sīdu'maayaihi daaka! Sīnnawī Gotiyai gannya Kuryari yanga kyihizaava' sarimī tewaanna mwaalesaihilyi. Dahaa! “Nīnnya kīlaakevi diraginyasi naanga yune nebulya'nanyainyi yima'nīdeinyi,” dathivaniga! <sup>4</sup> Taanga naanga yihyake' diraginna mwaalesa' yaasiwa' jima'nīwaka! “Aawa, yaasiwa'na mīka!” yawi'manige. <sup>5</sup> Sarevīdaa'nyi ayina yihithīma! Kiwinya dinikevine wawinyanna sara yesa'na Gotiyai gannya Kuryari wijaavaka sariminyaba

atika diraginya wi'narya'ne yakei daa! Aawa, Kiraazitiyarī limwagasaburine wi'nya'na Gotiyai sara ya'.

<sup>6</sup> Nabaai, Ne Eviraami avaalyabaaibi' Gotiyarī limwagyaakelyi. Da' dinike' "Sai yawi'na 'Gotiyai nebulya' nyidiwa'," yawi'na yaka Gotiyai dina 'Niminyi nyilimwamwake'na a'mwe yida'maraangei wimwaaih'we'na diwana,' dina ya'." <sup>7</sup> Sarevidaasi sarimi yawi'na "Ne Eviraami Gotiyarī limwagyaakeibisaina Gotiyarī limwagya'neina Ne Eviraamimire gawaalivaangeina nebwina mwaaiho," sarimi yawi'na yipineihilyi. <sup>8</sup> Nabaai Gotiyare bukuya' sinnawi sagaa' dinike' ajimya yuyangiyara limwabi'de'na " 'Yida'maraangeihilyi,' widideinyi." Sare'na sinnawi Gotiyare bukuya' Eviraamimi yagaala tewaanya' dinike' "Nyilimwamwaanya'na ajimya yuyangiya yuyaraavina tewaanya naanga yanga wideinyi. Maariderera," sara dinikesi. <sup>9</sup> Sare' Eviraami Gotiyarī limwagyaakeriji nemi a'mwe Gotiyarī avaina limwamwoinaavina Gotiyai tewaanya naanga yanga nejaawakeinera.

<sup>10</sup> Sare' dare'nesi. Kiwinyaburine wawinyanginera yi sahwara Dikeyi marasi'nya'nevi dalaangewi mwaaiha'. Sare' dare'nesi. Dara dini' "Gazaigizaigi yuyagaa' Kiwinyaviya bukuyavi dinika yuya sa kuna myadinyaiginyi Gotiyai Dikeyi gimarasinadelyi." Sara dinike'na yuyara sara myadivi' Dikeyinerera. <sup>11</sup> Nabaai, Gotiyare bukuya' dinike' "Pwai Gotiyarī limwade sarerina Gotiyai 'Yida'maraangelyi,'

doziyai yuyagaa' gaala mwaaladelyi." Sara dinike'na nemi tinna dara diraginna wangamanigo' "O, Kiwinya yivanike aane pwai kwarina Gotiyai 'Yida'maraangelyi,' maji yivanikei daaka!" <sup>12</sup> Kiwinyabwi pibulyi. Limwagasa'nebwi pibulyi. Avaalyaburaai mika. Aawa. Dinike' "Kiwinya yuya ya'gizi gaala dimwaaide'nengira mubya'bi'." <sup>13</sup> Nemi Kiwinya yuya myadaanya'na yuyainaavi Dikevi nemasini'neina mwaaiho. Sareinaavina Kiraazitiyai ayina nemuba'. Sare' dara dinike' "Gazaizari yisavi maratamarimwidaakwipi'deri Gotiyai Dikevi marasi'nadelyi." Kiraazitiyari yisavi neminyineba kamaratamarimwidaakwe' Gotiyai Dikevi marasita'neba sai yima'naabaka ayina nemaarakelyi. <sup>14</sup> Gotiyai "Ne Eviraamimi tewaanya naanga yanga wiaanya' Jizaazai Kiraazitiyarina ajimya yuyangiyaraavine' yima'nana!" daka, nabaai neminyina "Sahwara, Kiraazitiyari kalimwagapiji Kuryai Tewaanyarine yune naanga nebulya'na wide sari maapika!" kada' Dikevi marasi'neinei yima'naka ayina nemubakelyi.

*Kiwinya' Gotiyare yagaalyavi mwavilayi yannes.*

<sup>15</sup> Nya'mweihi, a'mweinaavirebwinanya' yihiziwaakima! A'mwei yawiraka wilimwagarike sare' yikwiavi yavikaryaka gannya yaya yavikaryake' pwara magalazekivalyi yipinere. Yagaala piniji mye'mwagyi yipinere. <sup>16</sup> Nemirebwi yigovaaibi' Gotiyai yagaalya Eviraamimiji gamire diviya'nei

yisiwiarījī yune naanga nebulya'na wijaake kuna warī' tewaanya'na. Gotiyare bukuya' majinyī' "Dīviya'neraava." Kwalaalyaraavīna majinyīkesī. Aawa. Dara dīnī' "Dīviya'nela," gave pwarīna dīnīkesī. Nabaai, Kīraazītīyarīna dīnīkesī. <sup>17</sup> Kuna warīke' dara dīvanīge. Gotiyai Evīraamīmī yagaalya' yune naanga nebulya'na wīdaka wījaa' "Sara gīthīwe' sara yīdeinyī." Sīnnawī sagaa' wīlīmīwagarake sa' wīdaka kwarame dīviyājī kwarame naanga naanga (430) wavīlayaakegaa' dīvidaa'nyī Ne Mozīzarī Kīwīnya' wījayaa'. Dīvidaa'nya' sīnnawīnyavī magalazekīvalyīnīkesī. Yaasiwa'nanya' mwakyīnīkesī. Aawa. Sīnnawīnya' Gotiyai Evīraamīmī yune naanga nebulya'na wijaake' kuna warīkesī. <sup>18</sup> Sare' dare'nesī. Evīraamī Kīwīnya' yaakevīdaa'nyī Gotiyai wijaake' wījaavājī kwājī Gotiyai yune naanga nebulya'na wījaakevīdaa'nyī myīma'nyī kyadīka! Kīrī' Gotiyai Evīraamīmī yune naanga nebulya'na wījaake'na wījaavakesī.

<sup>19</sup> Gotiyai yune naanga nebulya'na wijaake' kuna warīkevidaa'nyī dīvidaa'nyī Gotiyai Kīwīnya' be'na wījayaa'? Da'na yīnīkesī. A'mwera kunnya kayaa'nanya wangadīvī' dīna "O, sareburī kayaaka galazekīvaina yīvanīgoine. We'." Sare'na Kīwīnya' wījayaake'nanyī. Evīraamīmīre yīsiwīai Jīzaazarī yune naanga nebulya'na wījaakeī bakegaa'nanyī. Nabaai, Gotiyai dīragīnna wījaake' naangesī. Gotiyare Kīwīnyabwī maalīkesī. Kīwīnya sa' Gotiyai ejelīyaraavī kujayaa' a'mwe pwai Mozīzai tīnnyaba mwalyaakerī mamaayara kujayaa'

sai a'mweraavina wījayaakesi. <sup>20</sup> Tinnyabanyai gave pwarina mi'. Gotiyai gave pwalyira. Yune naanga nebulya'na wijaake' Eviraamimi Gotiyai gavei wijaakesi. Tinnyabanyai mamwalyaakesi. Sare'na yune naanga nebulya'na wijaake' naangesi.

### *Kiwinya'nesi.*

<sup>21</sup> Sarevīdaa'nyi Gotiyai yune naanga nebulya'na wijaakengi Kiwinya' kayaaka yigaimanike' daaka! Arīkawī. Sare' dare'nesi. Gotiyai yune naanga nebulya'na wijaake' gevīnesi. Kiwinya' gevīnesi. A'mwera gaala mwaabī'de'na kiwinya wijaavaji kwaji kiwinya sa kyaadike' Gotiyai neminyina “Yīda'maraangeiginyi,” kanedathika! Sare' mi'. Kiwinya sa mwarikengi. <sup>22</sup> Aawa. Gotiyare bukuya' dīni' “A'mwe yuya kwara kayaa'nanyaburī kwaakevi wīla pwiyīnīkerera.” Gotiyai “Eviraamimi yune naanga nebulya'na wijaanya' a'mwe Jizaazai Kīraazītiyari līmwabizaraavina wijaavīma! ‘Yīda'maraangeihīlyi,’ wīdīma!” daka kayaa'nanyaburī marulawaka'.

<sup>23</sup> Kīraazītiyari līmwanget'negaa' myīma'nyakegaa' Kiwinya' nevwīyīnīke' Juyainaavi kalavuzavi nemaremwaala'. Kiwinya' wothaayaibīsa' nemaremwaaidīsi Gotiyai Kīraazītiyari līmwagaaza' kaneyībwarīdaakwa' sagaa' nemaremwaalake' mi'nanyi. <sup>24</sup> Kīraazītiyai mabya-haa' Gotiyai Kiwinya' kanejaava' Kiwinya' neyīgīvaangeibīsa' dīragīnna

nemaremwaalakesi. Gotiyai yawi'na  
 “Sahwara Kiraazitiyari limwabi'de'na  
 ‘Yida'maraangeiginyi,’ widi'ma!” daka  
 neyigivaangeibisa' wakakesi. <sup>25</sup> Kiraazitiyari  
 limwagaazahaa' mi'na kyima'na'  
 neyigivaangeibisa' manemaremwaalyikesi.  
<sup>26</sup> Sare' dare'nesi. Yuyaihi Kiraazitiyai  
 Jizaazar+ limwamwaasavina Gotiyare  
 gawaal+vaangeihi mwaaihasaihiyi. <sup>27</sup> Sare'  
 dare'nesi. Sareihiri Gotiyai tewaanna  
 yihyake'na Kiraazitiyari bavitaaziya  
 wilayihimwaihaka yuyaihi yi sahwaihi  
 Kiraazitiyai kininnakeihiyi. <sup>28</sup> Kiraazitiyai  
 Jizaazar+ wilaamwaihaha'na Gotiyai yuyaihir+  
 avaina yihimaara'. Gotiyai myawiri “Sai Juyai,  
 sai Girikiyalyi. Sai yaasiwa'wawinyai, sai  
 maremwaainadelyi. Sai kwalyai, sa' balyasi.”  
 Sare' dare'nesi. Dazaraavina myawiri yada  
 yawi'na “Kiraazitiyai Jizaazarina sai nimirei  
 yima'nana!” yuya saihi gave pwaihiyi.  
<sup>29</sup> Sare'na Kiraazitiyareihimwaaihasavidaa'ny+  
 Eviraamim+ gawaal+vaangeihi, yisiwaihi  
 mwaiha'. Sare'na Gotiyai Eviraamim+ yune  
 naanga nebulya'na wijaake' yihizaavadelyi.

## 4

<sup>1</sup> Yagaalya' yihithiwe da'na yihithivanige.  
 Kaimale pwai ganimaangere gilyivita yuya  
 maaradelyi. Gamire yuya wa'di'ny+ kiri'  
 kaimalei kuna mwaalike'na mamaaryivanikelyi.  
 Sare'na kaimalegaa' yaasiwa'wawinyaibisai  
 mamaremwaalyikelyi. <sup>2</sup> Kaimalei mwaaidi'ny+  
 ganimaangei sara widake'na pwara gaminyi

maremwaaina yadapiji nabaai, pvara  
 gi+yiv+isangi maremwaaiha'. Divi gan+imaangei  
 widakegaa' yima'nadehaa'na sagaa'  
 gawaal+vaangei sahwai maremwaaladelyi.  
<sup>3</sup> Sabaai+bi' mwaalosira. Kaimaleina mwaalogaa'  
 Kwaakevak+yabwina mwaidaa "Sa' ki+maakesira.  
 Da' minna! Sa' minna!" yawi'daa sana  
 sana yadaa saburaavi yaasiwa'wawinyainera.  
<sup>4</sup> Gotiyai dah+lakyaakegaa' yuna yima'nakegaa'  
 Kwaakevak+ina gannya gawaal+vaangeri  
 widasaab+ina. Widasaab+ina kya' a'mwe'  
 maarakei yima'nakelyi. Nabaai, Gotiyare  
 Ki+winyavi dalaangewi marulavemwaaidei  
 yima'nakelyi. <sup>5</sup> Ki+winya' yaamiji  
 mi+d+iv+sara "Gotiyai ni+minyina yawirana!  
 'Sai yida'maraangelyi.' Yawirade'na  
 Ki+winyabwi yima!" dadi+v+saraav+nesi.  
 Yi neminyina "Ni+mi maryaav+ima!  
 Ni+mi nyi+bwaal+vaangera yima'n+ip+ika!"  
 daka Ki+winyavi dalaangewinyaraav+ina  
 "Nyibwaal+vaangei ay+ina wi+mubana!" kada'  
 sahwai Ki+winyavi dalaangewinyai yima'nakelyi.  
<sup>6</sup> Yi sar+imi gawaal+vaangeihi mwaaihasa'na  
 Gotiyai Gawaal+vaangere Kuryai Tewaanyari  
 nemire simunyangi widasaaba'. Kurya sai  
 w+lanemwaalaka neji+wiryadaa'nyi Gotiyari  
 diragi+nna widivanigo "Tataai! Ni+mwai!"  
<sup>7</sup> Sare' yaasiwa'wawinyaigi kuna mamwaalyigi.  
 Aawa. Gawaal+vaangeigi mwaaihi. Gotiyai  
 sara yake'na gawaal+vaangeigi mwaaidi Gotiyai  
 gawaal+vaangeraavi wi+jaaya'ne di+maa'deiginyi.

*Polī Galeziya mwaalyaraavina simunya*

*kwalaalya yawirake'nesi.*

<sup>8</sup> Kigaa' Gotiyari myawiryesa'na kwaasi diraginyara (kwaasigotiyara) mamwaalyesara wila yihivwiyadivi' yaasiwa'wawinyaihi widaayadivisaihi'ri yihimaremwaalesaihi'lyi.

<sup>9</sup> Kiriri' dahaa' Gotiyari yawirangamanigasa'na, nabaai, diwija' piriri', dahaa' Gotiyai yihyawirangamanike'na Gotiyari be'na yagalya'ma'maniga! Sara yivanigasa' "Yimakera ayina nemaremwaabika! Kwaakevakiyabwi yaana!" di-manigatabaabisasi. Sahwara diraginya maayarera. Waryaanyarera.

"Sahwaraavire yaasiwa'wawinyaina ayina yima'naana!" be'na di-maniga! <sup>10</sup> Sareihi ayabaabibi' yawi'na "Gotiyai nimini'nyina yawi'na 'Yida'maraangelyi,' yawirade'na Kiwinya' yima!" yawi'na yadivi' yirikengiji lawengiji kwaramengiji kimaaka mwaaimanigasaihi'lyi. Simunya dazabwi nawi'nyabwi mika!

<sup>11</sup> Sareihirina simunya kwalaalya yawi'manige. Mi'na yage'na tewaanyaihi mwaalina yesaihi'lyi. Nimi yuya sarimini'nyina yage yaasiwa'na nyima'nadika!

<sup>12</sup> Nya'mweihi, diraginna yihithivanige. Kiwinya'na nimibisaihi yima'nipineihilyi. Kiwinya' majesaihibisainyi yima'neinyina yihithivanige. Kigaa' aane piriri' kiriri' kayaa'na manyesaihi'lyi. <sup>13</sup> Nabalinaakeinyi mwaale'na sinnawi sagaa' sarimini'yawinna wawena yagaala tewaanya' yihithe yawi'mwaa'.

<sup>14</sup> Dara wangesa' "Akai, Polimire kilaakejiki nalaaya naanga wivanikei daaka!" Sara deva kiriri' nimini'nyina maji

“Waryaanyalyi,” maji yadivi' nabaai, bule'na manyijaaye'. Aawa. Sariminyawinna ejeliyai bazari tewaanna wipinebaaibi' tewaanna nyesaihilyi. Nabaai, Kiraazitiyai Jizaazai bazari tewaanna wipinebaaibi' tewaanna nyesaihilyi. <sup>15</sup> Sarevidaanyini niminiyina yilaaya naanga ye'. Dahaa' yilaaya sa' gava warikavaka! Sare' dare'nesi. Sariminyina dara jalikurakivanige. Ai, sahwara niminiyina yuya yipijara daa! “Wigaimwange'na nennya tinnyangi jiwamwanna yawaaji Polimina wijavaajainaava,” sabaai' yawireva. <sup>16</sup> Nebulyabwi yihithiwe'na jawi'maniga! “Polimire yikamaangei mwaali'.” (Yawita sasare sa' “Aala!” diwa.)

<sup>17</sup> Pwara yilaaya yihimarivanigasara tewaanya'na myihizivaniga'. Wabwiwayagaala yihithivaniga'. Sahwara yawi'na “Neminyi yilaaya neyipika! Polimire yagaala mu'nipinera!” deva sara yiwaasa'na wabwiwayagaala yihithivaniga'. <sup>18</sup> Tewaanya'na a'mwera yilaaya wimaryadivisa' yuyagaa' tewaanyasi. Sarimi yilaaya nyesa' tewaanyasi. Dahaa' sariminyawi mamwaalyige'haa' yilaaya nyipija' tewaanyasi. <sup>19</sup> Nimire kaimraayahi, a'mwe' bwaranyari maa'dehaa' daanga naanga wividevaai' sariminyina ayina daanga naanga nyivimani'. Sarimire simunyangi sarimire munyangi Kiraazitiyai yunebanna wilaayihimwaaladehaa'na taanga sa' mi'na mwi nyadesi. <sup>20</sup> Sariminyaba mwaaimujainyi! Pikarya myavikarya'na nimire maanguraaya' yihithide'na sariminyaba

mwaaimujainyi. “Gara widijiwana!” yawi'di taanga nyivanikeinyi.

*Ehaavinaji Seraavinaji widake'nesi.*

<sup>21</sup> Dinyijila! Sahwaihi dina “Kiwinya' nemaremwaalana!” dina yivanigasaihi dinyijila! “Kiwinya sa' dinike' mu'nyiswaasaihi daa!” <sup>22</sup> Sare' dare'nesi. Dara dinike'. Eviraami gawaalivaangeraai kininnakelyi. Pwai Yizimeli, pwai Aazaki. Widaayade' Ehaa' Yizimelimi maryaa'. Gamire balaange' Seraa' Aazakimi maryaa'. Seraa' widaayade' mi'. <sup>23</sup> Kiri' a'mweinaavireburine widaayade' Yizimelimi maryaa'. Gamire balaange', a'mwe ne' mwaaidi'nyi Gotiyai Eviraamimi yune naanga nebulya'na kujaa' Eviraami Gotiyari limwagyaake'na Aazakimi maryaa'. <sup>24</sup> Yagaala sa' ke'ba'na dinikesi. Sare' dare'nesi. A'mwe sawaai yagaala wilmwagarikewaalyi. Ehaa' Mugunya Saainaayavi Gotiyai Kiwinya' wijayaake' sahirisi. Ehaa' widaayade' yaasiwa'wawinya'bisa' mwalyaake'na savirera yaasiwa'wawinyara mwalyaasarera. Nabaai, Mugunya Saainaayaviya Kiwinya' a'mweraavi pwiynikera yaasiwa'wawinyara mwaihasarera. <sup>25</sup> Mugunya Saainaaya sa' Kwaaka Areviya warike' yi Ehaa'. Nabaai, Ehaa' Anga Jeruzaalemi dahaa' mannike' sahirisi. Sare' dare'nesi. Juyara dinyina “Jeruzaalemi nemire anga naangebera,” dinyina yivanigasara Kiwinya' mididivisa'na Kiwinya sa' pwiynikesi. Davaki Jeruzaalemiyara yaasiwa'wawinyarera. <sup>26</sup> Sarera diraginna

mamwaalyîga'. Aawa. Jeruzaalemi munyaba  
 Gotiyarebanyaina Kîraazitiyareina diragîna  
 mwaiho. Sabajiyaina yaasiwa'wawinyaina  
 mi'. Aawa. Nenaange' Seraavireinera.  
 Gotiyai neminyina yune naanga nebulya'na  
 dinikeina Aazakîbisaina mwaiho. Nemi  
 Kîraazitiyarî limwadaanyaina tewaanna  
 mwaiho Jeruzaalemi munyabajiyaina. <sup>27</sup> Sare'  
 dare'nesi. Jeruzaalemi sabanyaaina ke'ba'na  
 dinikesi. Jeruzaalemi munyabanya'na dinike'

“Kaimîraaya maaya'gi yîlaaya ja!

Jakajî jîkajî ‘Su!’ dinyîdangana!

Mamaaryadînya'gi yîlaaya naanga ja!

Gîthaasake'gire kaimîraaya naanga  
 mwaiibi'dera.”

Gotiyarîna munyabajiyaina tewaanya diragîna  
 mwaiho'na dinike'nesi. Jeruzaalemi  
 davakîya'na dinike'

“A'mwanakevîre pwai pwai mwaiibi'demîkera.”  
 Sara dinikesi.

<sup>28</sup> Nya'mweihi, Kîraazitiyarî limwadîvisaihi  
 Aazakîbisaihiyî. Gotiyai Evîraamîmi yune  
 naanga nebulya'na wîjaakei yîma'nyaakabaabi'  
 yune naanga nebulya'na wîjaaka sa'  
 maa'dîvi' Gotiyai dîna “Yîda'maraangeihîyî.  
 Nîmîreihîyî,” dîna yakeihîyî. <sup>29</sup> Ehaa'

kîlaa'naka a'mweinaavîrebwîna maryaa  
 kei Yîzimeli Aazakîmi kayaa'na yîna yaa'. Yî  
 Gotiyare Kuryai sara yaake'na maryaa  
 kerî kayaa'na yîna yaa'. Sabaabi' Kîwînyabwî  
 yîvanîgasara Kîraazitiyarî limwadaanyainaavî  
 kayaa'na neyîvanîga'. <sup>30</sup> Kîrî' Gotiyare  
 bukuya' berî' dîni'? Dara dinike'

“Widaayadesi gawaalivaangelyi sanaari duthaaso! Sare' dare'nesi. Ganimaangere yuyangi widaayadevirei maaarannera! Arikewi. Gamire balaangevirei gavei maarade'na duthaaso!” sara dinikesi.  
<sup>31</sup> Sarevi, nya'mweihi, yaasiwa'wawinyavireina mi'. Aawa. Balaangevireinera. Gotiyai neminyina “Kiraazitiyari limwamwaasara nimirere. Nimire tewaanya yuya maapi'dere,” dinikeinera.

## 5

*Kiraazitiyai nevwiyinikeinaavi neyara-maarake'nesi.*

<sup>1</sup> Nemi tewaanya diraginna mwaalya'neinaavina Kiraazitiyai bala'. “Yuyabura pwiyinikeraavi jaarima!” daka nevadaihasamaara'. Sarevidaa'nyi kuna diraginna dithaaka! “Yaasiwa'wawinyabulyainyi ayina nyima'nwidika!” da'gizi Kiwinyabwi myawi'dinna! <sup>2</sup> Du'nana! Polinyi kave dara githivanige. Gimi yawi'na “Gotiyai neminyina ‘Yida'maraangelyira,’ dana! Sare'na nmi Kiwinya' yadi kilaakejiki nyidapika!” Sara yija! Kiraazitiyai yake'na giminyina ghaimwagake' yaasiwa'nanya' yima'nade'nanyi. <sup>3</sup> Ayina diraginna gizalikurakima! Gazaizai yawi'na “Yida'maraangeinyi yima'nima! Pwara nimire kilaakeji' nyidapi'de'nanyi,” yawi'na yoji sai Kiwinya yuneba yannei tivikisa'nei yima'nade'nanyi. <sup>4</sup> Gimi yawi'na “Gotiyai nyidana! ‘Yida'maraangeiginyi.’

Nyidathe'na Kiwinyabwi yima!" Sara yawi'na, yina yiwaanya'na Kiraazitiyari yagalya'ma'mwaa. Gotiyai yange'na gihaimwagakevi bwala'mwaawi. <sup>5</sup> Sare' dare'nesi. Nemi Kiraazitiyari limwadaa Gotiyare Kuryai gannya diraginya' nejaavada yilaaya yadaa yemwaaiho. Aayagaa' Gotiyai yuyaraayaba "Yida'maraangeihilyi," nedathe'na yemwaaiho. <sup>6</sup> Sare' dare'nesi. Nemi Kiraazitiyari wilamwaaiho'na kilaakeji' daya'nebwi yaasiwa'nanyasi. Nabaai kilaakeji' madaya'nebwi yaasiwa'nanyasi. Nemi Kiraazitiyari limwadaanyabwi pwaraavina tewaanya nevu'nadevina wawinya yadevwi naangaangesi.

<sup>7</sup> Sinnawi Kiraazitiyarina kaanyave'na nayaa wawaginyaiginyi. Giminyi aai galagirihimwaka! Sare' nebulya' mamidinyi be'na yivanigina! <sup>8</sup> Midinya saburina Gotiyai givwaramaa'manikei sara magiziwaakyiwa'. <sup>9</sup> Dadaanya' "Pamidakade yiziya maalikemili' biretiya naange' pamidakadesira." <sup>10</sup> Sare' kiri' nimi sainyi Kiraazitiyari wilamwaaihe'na diragina yawimwa "Sara yawi'manige Galezīya mwaalyara sara yawipi'dera. Aane pi'bwī kibwi myawiri, avaina yipi'dera." Nabaai, a'mwei giminyina taanga gizaavanikeri Gotiyai kayaa'na wiadelyi. A'mwe naangei dingaka? A'mwe maalikei dingaka? Sareri Gotiyai wirivikradelyi.

<sup>11</sup> Nya'mweigi, pwara niminyina kwaasi widina "Sai widina 'A'mwera kilaakejikaavi da'nyina kyapiji Gotiyai "Yida'maraangeihilyi,"

' wîdathelyî." Sara wîdîwîjî kwajî kayaa'na kuna mi kanyîpîdîka! Savîdaa'nyî nebulya' warajî kwajî yîsavî Kîraazîtiyai balakevine wagîla wîvwa'nyabwî mena kyîma'nadîka! <sup>12</sup> A'mwera "Kîlaaka dîtha'nyîla!" dadîvî' gîmîre sîmunya kayaaka yîvanîgasara kunnya kîlaakejîkaavî yune'na da'nîpîka! <sup>13</sup> Sare' dare'nesî. Nya'mweigî, sahwaigînyî Gotîyai gîthahîlaka' "Wîla pwîyînikeri' yaarîma!" Sara gîthahîlakaka sara kagîzîvwaramaara' tewaanna mwaaihînyaigînyî. Mi'na gîthîwe'na dara myawî'dînna! "O, Kîwînya' manevwîyînyîka. Su! Su! Kîlaakejîkîne yuya tewaanyajî kayaa'nanyajî yîma!" Sara myawî'dînna! Sara myînna! Aawa. Gyaarakeigî ja'mweraavîna kale gyada yaasîwa'wawînyaigî wîgaimwanna ja! <sup>14</sup> Sare' dare'nesî. Gotîyare Kîwînya yuyavî aaya kaavîlya' dara dînikê' "Gîmî saigînyîna kale gyadevaabî' pwaraavîna kale gyana! Duhaîmwana!" Yî yagaala sahirîsî. <sup>15</sup> Sîwaaka, malakayaaryarabîsaihi myîma'nîpîna! Maanga, sînna tîka daya, mala sazabwî myîpîna! Sara yapîjî, yîthaanyi, gazaihizaihîrî kayaaka yuna nyîgainîpîdîka!

*Kwaakevakiya yawîsabulyî, Gotîyare Kuryare yawîsabulyî saburaarînesî.*

<sup>16</sup> Da'na yîhîthîvanîge. Gotîyare Kuryai sara kagîthozî kuna sara ja! Sara ya'gîzî gîmîre sîmunya ayabwî mi jîtheigînyî. Arîkawî. <sup>17</sup> Sare' dare'nesî. A'mweina sîmunya yawî'daanya' Gotîyare Kuryai yawî'de' yaamîjî dathîwanna. Nabaai, Gotîyare Kuryai yawî'de' a'mweinaavîre

simunya' dathiwanna yannesî. Sare' dare'nesî. Gotiyare Kuryare simunyasi a'mweinaavîre simunyasi yîkamaangewaalyî. Sare'na Kuryai gîthada gînnya simunya' "Pîbwi ja!" kagîthozî sarebwi minneigînyî. <sup>18</sup> Sare'na Kuryai kuna gîmaremwaalajaigî Kîwînya' mamaremwaalyî gyatheigînyî.

<sup>19</sup> A'mweraavîre simunyabwi yuyaina yawî'manîgovulyî. A'mweraavîrebulyîyara dara yadîvîsangî. Ata lîmwangebwi yîna. Yaawaryaraavîrebwi yîna. Gîrîkita'nanyabwi yîna. A'mweraavî a'mwengî yaasîwa'na kayaa'na lîmwangebwi yîna. <sup>20</sup> Yîsaraavî, sîlaangeraavî, nyîlyarî, lawerî, sîlingaamînyaraavî a'mwa'mweraavî yîlaayabwi yîna, kulaka maarya'nebwi yîna. Gîrî'nya, lakya, kwalya dazabwi yîna. Yîkamaangebwi yîna. Maangebwi yîna. Pwaraavîre tîganaarya yadîvî' "Maa'mujainyî," dîna. Sîna tîka wîdaya'nebwi yîna. Kunnya yaya makinyîna yadîvî', pwaraavîna kale mwia'nebwi yîna. Jaapaina yadîvî' pwaraavî wanganakîna. Kumîjîyaraavî bîrala yadîvî' "Nemî tewaanyaine," dîna. <sup>21</sup> Pwaraavîre naangengîna "Maa'mujainyî," dîzabwi yîna. Pwaraavî tamakîna. Bîyaaya saza nadîvî' yîmaka wîlîna. Nabaai bîyaaya nyîna kwarama kayaa'nanyabwi yîna, avaanna kayaa'nanyabwi yîna. Sara yadîvîsangî. Nabaai, sasarebura pîburajî yadîvîsangî. Kîgaa' gîthevaabî' dîragînna ayîna gîthîvanîge. Sasare sabwi minna! Pwara saza yadîvîsaraavî Gotiyai nayaa mamaremwaalyî yadera Gotiyare yuyanna

mamaari yipi'derera.

22 A'mweraavire simunyabwina  
 kayaa'na yadivita kiri' Gotiyare Kuryai  
 nemire simunyanna maremwaaida  
 yisila nawinyabisanna tewaanyainaavi  
 nemwaaihivanikelyi. Sare' dara yadaanyasira.  
 Pwaraavina kale neyada, simunyangi yilaaya  
 yadaa, kwaamu'nanyabwi yadaa, pwara  
 kayaa'na neyadaapiji sinna tika yarai madayi  
 neyade'na diraginyaina mwaidaa, bwiwanna  
 yabwi yadaa, pwaraavi tewaanna wiadaa,  
 sara widadaanya yuyagaa' sara yadaa, <sup>23</sup> kave  
 yigoina nennya yaya mamakinyadaa, simunya  
 kayaa'nanya' "Aala," divanigoina diraginna  
 maremwainadaa Kuryai nemwaahadelyi.  
 Sara yadaanyainaavi Kiwinya yagaalyasi  
 manejinikengi. <sup>24</sup> Kiraazitiyai Jizaazareina  
 dara yawi'manigo. A'mweinaavire simunya  
 diraginya myannebwi Kiraazitiyare yisaviri  
 mi'na yeramwo. Sare'na kayaa'nanyabwi  
 manemaremwaalyikeinera. Yi simunya  
 kayaa'na dika widadeji wima'nadeji yisaviri  
 mena yeramwo. Yuya dazabwi divanigo.  
 Aala! Sarebwi Kiraazitiyai balake'nanyi.  
<sup>25</sup> Sare' "Kuryari mwaiho," daaza' yi nabaai  
 Kuryari kaanya yamaryaana! Gamire yagaalya'  
 midinaana! <sup>26</sup> "Nimi tewaanyainyi. Pwara  
 kayaa'nanyarera," madaanna! Pwara simunya  
 kwalaalya yawipi'de'na myaanna! Pwara  
 kanevilavapiji birala myaanna! Aawa. Kuryare  
 diraginyavi mwalaana!

## 6

*“Pware taanga dīmakwona!” wīdake'nesī.*

<sup>1</sup> Nya'mweihi, sarimī dara yenniþija!  
 “O, nemiþiyarī yīwetawakya' jīma'nīwakal!”  
 Gotiyare Kuryarī midīdīvisaihi sarī nayaa  
 yavada'gaina jīla! Bīrala, maanga nudīpidīka!  
 Aawa. Kave bwiwana wīdīna jīla! Gīnya  
 mwaalyabwi nayaa jawīka! “Nīmī kave  
 mwaala'mujī Saataanī avaalyabwi yīde'na  
 nanyīmwaaihadīka!” da'gīzī Kuryarī  
 dīragīnyavī dīmwaala! <sup>2</sup> Da'na yīhīthīvanīge.  
 Gazaizarī taanga wīdaa'nyī wīgaimwange'na  
 taanga sa dīmakama! Duhaimwana! Sara ya'gīzī  
 Kīraazītiyare kīwīnya' mī'na jīthesī. <sup>3</sup> Sare'  
 dare'nesī. Pwai myawīranna! “Pwara kayaa'na  
 yīvanīgasara maalīkera, nīmī naangeinyī.  
 Dazabwi myī yīdeinyī.” Sara yawī'de sa'  
 kwaasī yawī'devulyī. <sup>4</sup> Kīrī' gazaizai gannya  
 yīvanīkengī nayaa yawībwata yannelyī.  
 “Tewaanyasī,” dozī sare'na yīlaaya yannelyī.  
 Sai myawīrina “Pwai kayaa'na yīvanīke', sainyī  
 tewaanna yīvanīgeinyī,” sabwi myawīrannelyī.  
<sup>5</sup> Aawa. Gazaizai gannya yīvanīkengīna Gotiyai  
 yawībwata yadelyī.

<sup>6</sup> Kīraazītiyare yagaala yīhīzīwaakadīvisaraavi  
 pwaihi kadīka wī'nadīvisaihi tewaanya yuya  
 jaapaina yīþīneihīlyī. <sup>7</sup> Simunya kayaa'nanya'  
 myawīþīna! Gotiyarī kwaasīyara pīhadīka  
 yīþījaraavīna Gotiyai yuna yawī'manīkelyī.  
 Sare' dare'nesī. A'mwe pwai burīdaza  
 yī sahīnī maaradelyī. <sup>8</sup> Sai kayaa'nanya  
 burīdazai kayaa'nanya maaradevaaiþī' pwai

a'mweraavire simunyabwina gamire kilaakevi yajai kayaaka yigainadelyi. Kiri' pwai tewaanya buridazai tewaanya maaradevaabi' pwai gamire kuryari tewaanya buridazai yi Kuryai Tewaanyari yuyagaa' yuyagaa'ne gaalyabwi maaradelyi. <sup>9</sup> Nemi tewaanyabwi yadaa simunya waryaanya myawiraanna! Sare' dare'nesi. Kuryari diraginna kuna yaajaina Gotiyai dahilakakegaa' tewaanyanna maradeinera. Sare'na nayaanna yadawaaji maa'na maneyinanna! <sup>10</sup> Sarevidaa'nyi yuya'na yaajahaa' yuyaraavi tewaanna wiaana! Yi, Kiraazitiyari limwadiwisabulyiyaraavi kinidakaavi diraginna tewaanna wiaana!

### *Yagaala aaya'nesi.*

<sup>11</sup> Pwai nimire yagaalya' kyavikaryiwa' dahaa' pikariyisari' maarena ninnya atas' pikarya yihyavikarivanige. Nimire pikarya naanga danganyila! Pikarya sa tinna wanganapiji "O, Poli nebwin neyavikariwaka!" dithinyide'nanyi. <sup>12</sup> A'mwera kilaaka mwasimaginna yawi'na "Kiraazitiyarera yawi'maniga' 'Kiraazitiyai yisavi kabala' kilaaka daya'nebwi maalikebwi yima'niwaka!' Sare'na sinna tika wida'daawoji Juyara kayaa'na naneyipidika!" Nabaai "Sahwara Kiraazitiyai Jizaazarine yita yovihirarannikevina maanga nanedipidika!" deva "Sarinnya kilaakejikaavi ditha'nyila!" wijjwaakina yihyivanigasare. <sup>13</sup> Sare' dare'nesi. Kilaaka daya'nebulyiyara Kiwinya yuya' navika yadivi' myadivisare. Aawa. Sahwara yawi'na "Juyara

neminyina dinyina ‘Kiraazitiyarera sahwarā kilaaka daya'nebwī Galeziya mwaalyaraavī yivanigasara tewaanyarera!’ dinyina yipika!” Sara yawi'na yadivisa'na yihiziwaakivaniga! kunnya yaya makimanigasara. <sup>14</sup> Sabaabi' ninnya yaya' makina myiwineinyi. Arikawi. Nemire Naanga Jizaazai Kiraazitiyai yisavi balakere yaya' makimanigesi. Yi, balake'na Kwaakevakiyabura kadathiwaga! sabura manyimaremwaalike'nanyi. Kiraazitiyai baidaa'nyi nimire simunya aya' balakesi. “Kwaakevakiyaburaavina mamwaalyi yideinyi,” yawikeinyi, Naangei yisavi sara balake'na. <sup>15</sup> Kilaakeji' daya'ne' yaasiwa'nanya', kilaaleji' madaya'ne' yaasiwa'nanyasi. Gotiyai mudikeinaavī nemwaaihade' naangesi. Sare'na, Kiraazitiyai yisavi balakeri yaya' makimanigesi. <sup>16</sup> Yihithiwe' yivanigasaihi Kiraazitiyareihi, Gotiyare Yizireliya nebulyaihiri Gotiyai gannya kwaamu'nanyaburi tewaanya yihimwaaihana! Gotiyai kale'na yihigaimwagana!

<sup>17</sup> Aaya' yihithima! Aane pwai kwai taanga manyijaavanna! Sare' dare'nesi. Jizaazarī widaayadinyainyina pwara kayaa'na nyesa'na nimire kilaakevi' yiwihwaarya naange warikengi. Sare'na Apozeliyainyi Kiwinyabulyiyara taanga manyijaavipina! <sup>18</sup> Nya'mweihī, nemire Naanga Jizaazai Kiraazitiyai yuyaihire kuryaraavi yange'na yihigaimwagana! Sahirisi. Nebula naangesi.

*Polī*

**Yipma Genesis and New Testament  
Genesis and The New Testament in the Yipma/Baruya  
language  
Buk Stat na Nupela Testamen long tokples Yipma long  
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files dated 9 Oct 2020

ef60f748-49e3-5ee0-8e6d-a25b74b7a93c